





類說目錄卷之三十五

爾雅

亞壻

太白星

天雞

苦茶

土鴨

魚枕

春鋤

牽牛

羊棗

喜子

魚婢

王地

蚊母



集韻

扶留

天使

佩母

豐蔭

解般

獠狔

倉庚

獸君

酪母

一流

蔗飴

徒吹

蘆茄

螳螂

以子加乙為孔

棗氏東氏

斯頭

儻憇

穉穢

構橋

鋤鉞

楛榴

寒俱

醜飲

枸杞

擊壤

縮體

土精

巧婦鳥

藻井

鷺接籬



丰帳

血敢

兩碧

本草

君臣佐使

陰陽配合

濕藥

伏龍肝

木

半天河

春雪

山芋

守田

菊花

甘草

人參贊

仲思棗

垣衣

水芝丹

絲蓴

木筆

桃奴

燕有兩種

崖蜜

蛇符

馬通

秦龜

二蔗

屋松

雞頭

八穀

神護草

五木之耳

艾作餛飩



使君子

佩萱生男

絡婦

餘甘

頭垢

菱實

胡桃

事始

嘗百草

煮鹽

棄市

役鬼

都水使者

弓矢

童子郎

六丁

武帝傷足

神魚子英祠

幘頭

靴

雲幕

集賢學士

弘文館

崇文館學士

崇賢館學士

崇玄館學士

著作郎



黃帝將相

使相

侍漏院

科舉

武舉

道舉

曳白

少微

中書舍人

門狀

男子拜

寓直

教坊

黃紙

鳳詔

悲田院

泥人和睛

苾芻

護國三藏

大德

大照禪師

沙門稱釋

道士賜紫

鐵蒺藜

汗衫

半除

履舄

香纓

酒令

偏提

骰子賜四緋

熊白生

魚袋

國忌奏軍藥

不諱嫌名

墓誌



五色裙

腰帶

意林

夏條冬水

扁鵲兄弟

西笑

乞漿得酒

詔書掛壁

迂書

言戒

知非

天人

無恠

事親

無益

學要

治心

文害

道大

負恩

羨厭

釋老

無為贊

諱有

斥莊

辨揚

無黨

三欺

天人

類說目錄卷之三十五



類說卷之三十五

宋温陵曾慥編

新野馬之騏參閱

明山陽岳鍾秀訂正

爾雅

亞壻

兩壻相謂為亞壻註云今同門壻為僚壻是也

牽牛

河去聲鼓謂之牽牛注云今荆人呼此星為擔



鼓擔卽荷也

太白金星

明星謂之啓卽太白星也晨見東方爲啓明昏見西方爲太白

羊棗

羊棗註云實小而圓俗呼爲羊屎棗曾哲嗜羊棗是也

天鷄翰

音汗

天雞註云小虫黑身赤首又名莎雞又名桴

雞一名赤羽周成王時蜀人來獻翰

喜子

蟪蛄註云小蜘蛛長脚者俗呼喜子

苦茶

檟苦茶註云樹小似梔子葉可煮作羹飲今呼早採者爲茶晚採爲檟一曰薺蜀人謂之苦茶

魚婢

魚婢註云小魚是鮒而子黑俗呼魚婢人呼

魚婢

魚婢

魚婢



為妾魚

土鴨

土鴨註云龜也在水似青蛙而大腹

王蛇

蛇之最大者謂之王蛇

魚枕

魚枕謂之丁魚腸謂之乙魚尾謂之丙注云皆以似篆書字為名

蚊母

蚊母註云似鳥而大口中吐蚊因以為名

春鋤

白鷺一名春鋤

集韻

扶留

吳都賦云菜則東風扶留廣州記云菜陸生

如蘭

天使

河圖記曰風者天地之使



佩母

異物志云佩母狀如猿水打則死得風還活

豐隆

豐隆雷師名

解般

解般舟名

獾狔

獾狔燕飛貌

鷓鴣

說文曰黃鷓鴣也鳴則蚕生以為候

獸君

說文虎為山獸之君

酪母

酒滓謂之酪母

一流

銀重八兩為一流

蔗飴

糖一名蔗飴



徒吹

笙一名徒吹

蘆笳

胡人卷蘆葉而吹謂之蘆笳

螳螂

螳螂一名斬父

以子加乙為孔氏

湯姓子氏成祖以其祖吞乙卵而生故字天乙至周以子加乙為孔氏

棗氏束氏

棗氏本棘束氏本踈皆避難而改

斯頭

說文逐疫用斯頭

儻慙

儻慙惡言罵詈也

穉穢

穉穢不曉事之名

誦諛



誦諛怒言也

搆搆

搆搆不解事之名

鋤鉞

鋤鉞鎖鈕也

梛音若榴

梛榴安石榴也

寒餽

寒餽餅屬也

醪飲

合資而飲謂之醪飲

枸杞

春曰天精子夏曰枸杞葉秋曰却老枝冬曰

地骨皮

擊壤

風俗記云擊壤堯時有父老擊壤於康衢

縮醴

楚人謂縮醴曰蕩



土精

土精如人手在地中又名白澤食之無疾多力

巧婦鳥

巧婦鳥一名工雀又曰女鷗

藻井

殿堂藻井刻為荷菱等者取水物以厭火也

鷺接籬

郭璞註爾雅曰鷺頭翅上皆有絲江南呼為

斗帳

斗帳小帳也形如覆斗

血噉

宋文帝好食血噉音噉庖人誤削藕皮在中血

化為水本草藕皮化血得自庖人

雨碧

紀年曰惠成王七年雨碧于郢

本草



類言  
卷之三十五  
君臣佐使

藥有君臣佐使以相宣攝合一君二臣三佐  
又曰一君三臣九佐三使也

陰陽配合

藥有陰陽配合子母兄弟根莖花實車石骨  
肉有單行者有相治者有相使者有相畏者  
有相惡者有相反者有相殺者

濕藥

凡濕藥燥大耗當先增分兩得屑乃稱之爲

主

伏龍肝

對釜底下黃土也

木

一名山薑

半天河

竹籬頭水也

春雪

有垂水亦便敗不堪收之



山芋

薯蕷一名山芋秦楚名玉延鄭越名土藟

守田

半夏一名守田

菊花

一名日精一名周盈一名傳延年

甘草

一名國老大黃曰將軍

人參贊

人參為藥切要與甘草同功而易蛀惟內器  
中密封可經年不壞高麗人作人參贊曰三  
椹五葉背陽向陰欲來求我椹音賈樹相尋椹  
葉似桐參多生其下

仲思棗

因仙人仲思食之得名

垣衣

墻陰苔也一名烏韭又名天韭

水芝丹



藕實一名水芝丹

絲蓴

至冬為猪蓴又名龜蓴又云七八月以前曰絲蓴秋末冬初曰瑰蓴

木筆

辛夷一名木筆

桃奴

桃實自乾不落者名桃奴

燕有兩種

燕有兩種胡燕胸班黑作窠喜長有容一疋絹者越燕紫胸俗謂之紫燕作窠極淺

崖蜜

又名石蜜別有土蜜木蜜

蛇符

蛇蛻一名蛇符

馬通

馬屎一名馬通

二蔗



蔗有二種赤者名崑崙蔗白者名荻蔗

屋松

一名屋遊

鷄頭

作粉食之長年藥也小兒食不能長大一名

鴻頭一名鴈喙

八穀

黃梁米一名竹根黃黍稷稻梁禾麻菽麥曰

八穀

神護草

置戶上人至則有聲如叱咄

五木之耳

楮槐榆柳桑五木之耳可食并入藥

艾作餛飩

艾葉一名米臺療一切鬼氣妙作餛飩吞三

五枚以飯壓之良

使君子

鄂州郭使君療小兒多用此物醫家因號為



使君子

佩萱

懷妊婦人佩萱草則生男

絡婦

蜘蛛一名絡新婦

餘甘

菴摩勒取汁和油變白不老其子先苦後甘

故曰餘甘

頭垢

主淋閉不通又主噎亦治勞復

菱實

仙家蒸作粉蜜和食之可休糧水族中此物

寂不能治病

胡桃

張騫西域將來其木春斫皮取汁沐頭至黑

秋取瓢

事始



嘗百草

世本曰神農嘗百草以和藥濟人也

煮鹽

夙沙氏煮海水為鹽神農臣也

棄市

漢中元二年改磔為棄市

疫鬼

祀紀曰顓頊氏有二子生而亡者為疫鬼一居江水中為瘧一居人宮室區隅中善驚小

都水使者

晉太康五年置都水使者

弓矢

兒於是以前歲命方相氏帥隸儻以驅疫鬼  
倕作弓夷則作矢弓之神名曲張箭之神名  
續長殺人百步之外者矢也

童子郎

續漢書曰秦徵公卿子為諸生有志操者錄  
之號童子郎



六丁

春秋成分圖曰黃帝請問太乙長生之道太乙曰齋戒六丁可功成丁取丁寧戒慎之義武帝傷足

稷丘君者太山下道士武帝東巡丘君迎拜曰陛下必傷足上數里左指果斷

神魚子英祠

子英者舒鄉人捕魚得赤鯉養之數年長丈餘角翼皆具子英乘之飛昇而去歸來見妻

子魚復來迎吳中門戶作神女子英祠

幘頭

古以皂羅三尺爲裹頭巾後周而爲四脚

靴

本胡服趙武靈王所作

雲幕

女媧作雲幕衛侯爲虎幄亦帷帳之類

集賢學士

開元五年置麗正修書院以馬懷素褚元量



充使十三年置學士十八人以中書令張說兼集賢殿大學士說辭大學士判院事以徐堅副之

弘文館

武德初置修史館太宗於弘文館聚四部群書置弘文館選虞世南等以本官兼學士引入殿內講論文義以褚遂良檢校

崇文館學士

魏明帝選善屬文者充之唐高宗亦置

崇賢館學士

正觀中置屬左春坊并直學士教授諸王

崇玄館學士

開元二十九年於玄元皇帝廟命置生徒習道經後以陳希烈兼崇玄館學士都檢校兩京宮觀

著作郎

後漢有東觀著作之名未有官號魏帝始置著作郎佐著作郎



黃帝將相

軒轅本紀云黃帝舉風后為相力牧為將

使相

肅宗以節度使郭元振李光弼等同中書門

下平章事號使相

待漏院

元和中置待漏院於朝門

科舉

前漢惟射策隋及唐初亦止試雜文至神龍

初試六經天寶中甲科舉人問策外更試詩

賦為二場

武舉

長安置武舉凡試有五長槩射馬射馬鎗步

射應對如進士科

道舉

明皇置道舉舉生徒隸崇玄館謂之道舉

曳白

天寶初選六十四人判入等御史中丞張倚



男奭判入高等爲下第者所訴明皇於勤政樓下觀試惟十二人稍優餘並下第張奭不措一詞時號曳白也

少微星

經曰少微四星於太微西南北列第一爲處士

中書舍人

魏置通事郎掌誥命晉置中通事舍人齊改爲中書舍人唐龍翔中改爲西臺舍人光

宅中改爲鳳閣舍人開元中改爲紫微舍人後復爲中書舍人

門狀

古者未有紙削竹木以書姓名故謂之刺後以紙書故謂名紙唐李德裕爲相貴盛以此禮改具銜候起居之狀謂之門狀

男子拜

後周制令官人殿廷爲男子拜

寓直



晉潘嶽為虎賁中郎將時未有解舍嶽寄散  
騎之省而宿故嶽曰寓直今百官及翰林學  
士當本省本院直故為當直安可稱寓直耶  
教坊

開元初於蓬萊宮側立教坊因置使以教習  
之

黃紙寫勅

正觀中太宗詔用麻紙寫詔勅高宗以白紙  
多虫蛀尚書省頒下州縣並用黃紙

鳳詔

後趙石季龍置戲馬觀觀上安詔書用五色  
紙啣于木鳳之口而頒行之故羅隱曰瑣闥  
千重更無人到絲綸五色惟有鳳啣

悲田院

開元中京城乞兒官為置病坊給廩食近代  
改為悲田院或曰養病院

泥人祈晴

天寶中秋雨兩月餘勅人家門前作泥人長



三尺左手指天右手指地以祈晴

苾芻

僧曰苾芻本是草名有五義一生不背日二冬夏常青三體性柔軟四香氣遠騰五引蔓旁布爲佛弟子理亦宜然其精置者號爲沙門漢言息心梵語云沙迦瞞那中國譯云沙門

護國三藏

代宗詔杭州僧崇惠內賜紫袈裟號曰護國

三藏

大德

後秦姚興謂摩羅什曰大師聰明超悟天下無二石虎呼佛圖澄爲天上晉書曰講經草堂寺朝臣及大德沙門千餘人遂有大德之目矣

大照禪師

魏太祖以沙門法果成精至授輔國宜城子累加中信侯安城公卒贈老壽將軍胡靈公



隋文以沙門彥踪為繡經館學士開元中僧  
普寂卒謚曰大照禪師

沙門稱釋

晉道安授業於佛圖澄澄姓帛氏以師莫過  
於佛遂以釋為姓中夏沙門稱釋自道安始  
鐵蒺藜

鐵菱角隋煬帝征遼置要害中刺人馬也

道士賜紫

中宗時道士葉靜能加金紫代宗朝李泌乞

遊衡嶽詔給品祿贈紫道衣其後道士賜紫

自泌始

汗衫

古者朝儀衮服中有白紗中單百官郊享服  
中有明衣皆汗衫之狀漢高祖與項羽戰爭  
之際汗透中單名汗衫

半除

隋大業中內官多服半除即今長袖也唐高  
祖減其袖謂之半臂



履鳥

單底曰履重底曰鳥永嘉中爲鳩頭鳳頭履  
齊高祖令官人紫皮履梁武帝以絲爲之名  
解脫履

香纓

古者婦始見舅姑持香纓以拜五色絲爲之  
隋牛弘上議以素絹八尺中擗名曰帛拜以  
代香纓

酒令

古者酒令名卷白波起於東漢擒白波賊如  
席卷故酒席言之以快人意

偏提

元和初酌酒用樽杓無何改用注子後仇士  
良惡其名同鄭注乃去柄安係名曰偏提

骰子賜四緋

聲譜云博陸采名也陳思王製雙陸局置骰  
子二至唐未有塞子之戲未知誰製遂加骰  
子至六骰合作投投擲之義作骰者非飾四



以朱者明皇與貴妃采戰將北惟重四可轉  
敗為勝上擲連呼叱之骰子宛轉而成重四  
上大悅命高力士賜四緋也

熊白生

貞元中穆寧為刺史方食其子列侍見熊白  
及鹿脩乃曰白白肥脩瘠相資為宜即以白裹  
脩而進以 熊白為生而食之

魚袋

三代以韋為算袋盛算子及小刀磨石等魏  
易為龜袋唐永徽中四品官並給隨身魚袋  
天后改魚為龜唐初卿大夫沒追取魚袋永  
徽中勅生平在官為用褒沒則取之情所不  
忍五品以上薨魚袋不追取

國忌奏軍樂

神功元年破契丹凱還內使秦將軍入城例  
有軍樂今國家忌月請備而不奏王方慶奏  
晉穆帝納后用九月是康帝忌月下太常禮  
官荀納等議只有忌日而無忌月若有忌月



類言 卷之三十五  
當有忌歲遂從納議况軍樂是軍容與常樂  
不同於事無嫌乃從之

不諱嫌名

居官不諱嫌名書范曄泰之子爲太子詹事  
固辭朝議以禮不諱嫌名乃居之唐賈曾授  
中書舍人以父名忠辭不受議以中書是曹  
司名又與曾父名音同字別禮無嫌曾乃就

職

墓誌

齊太子穆妃將葬議立石誌王儉曰石誌不  
出禮經起顏延之爲王珍作墓誌以其素族  
無銘誅故也遂相祖習魏侍中謬襲埋文父  
母墓下將以千載之後陵谷遷變欲後人聞  
知但記姓名歷官祖父姻婭而已若有德業  
則爲銘大王戒墓詔有數百字然則魏晉以  
來有墓誌也漢杜子夏臨終作銘刊石埋墳  
前厥後墓誌恐因此始

五色裙



梁武帝造五色綉裙加米繩玳珠爲飾隋煬  
帝作長裙十二破名仙裙

腰帶

古有革帶反插垂頭秦二世制名腰帶唐高  
祖詔令向下插垂頭取順下之義

意林

夏條冬冰

太公金櫃書云夏條可結冬冰可折

扁鵲兄弟

鵲冠子云扁鵲兄弟三人並醫魏文侯問孰  
最善扁鵲曰長兄神視故名不出家仲兄神  
診不失毫毛故名不出閭臣針人血脉授人  
毒藥故名聞諸侯

西笑

桓譚新論云關東里語人間長安樂則出門  
西向而笑

乞漿得酒

袁惟正書云歲在申酉乞漿得酒歲在辰巳



嫁妻賣子

詔書掛壁

崔元始正論云州郡泛如霹靂得詔書但掛壁

迂書

余生六齡父兄教之書又七年稍聞聖人之道今二十七年時有所獲書以示人人之論高者則曰子之書庸而無奇衆所人同知也論卑者則曰子之書迂而難用於世無益也故命其書曰庸書亦曰迂書

言戒

迂夫曰言不可不重也子不見鐘鼓乎叩之然後鳴鏗然有聲人不以為異也若不叩而自鳴人孰不謂之妖邪可以言不言猶叩之而不鳴亦為廢鐘鼓矣

知非

或曰蘧伯玉五十而知四十九非信乎曰古之君子有垂死而知其未死之前所為為非者况五十乎道如山也愈登而愈高如路也



愈行而愈遠學者亦盡其力而止耳

天人

力所不及者人也故有耕耘歛藏力所不及者天也故有水旱螟蝗

無恠

有茲事必有茲理有茲理必有茲事世人之恠恠所希見由明者視之天下無可恠之事

事親

迂叟事親無以踰人能不欺而已其事君亦

然

無益

言而無益不若勿言爲而無益不若勿爲余久知之病未能行

學要

學者所以求治心也學雖多而心不治安以爲學

治心

小人治迹君子治心



文害

或謂迂叟子於道則其一二矣惜乎無文以發之迂叟曰君子有文以明道小人有文以發身夫變白為黑變南為北非小人有文者孰能之

道人

聖人之道如天地天地之間靡所不有衆人之道如山川如陵谷如鳥獸如草木如虫沙各盡其分不知其外天地則無不包也無不

徧也

負恩

受人恩而不忍負者其為子必孝其為臣必忠

羨厭

人情若厭其所有羨其所不可得未得則羨已得則厭厭而求新則為惡無不至矣

釋老

或問釋老有取乎迂叟曰有取釋取其空老



取其無爲自然捨是無取也  
無爲贊

學黃老者心如死灰形如槁木也迂叟以爲  
不然作無爲贊曰治心以正保躬以靜進退  
有義得失有命守道在己成功則天無復何  
爲莫非自然

諱有

人之情諱有而不諱無離婁之明人謂之瞽  
不愠矣柳下惠之清人謂之污不作矣

斥莊

或曰莊子之辨雖當世宿學不能自解迂夫  
曰佞人也堯之所誅舜之所難孔子之所患  
是青蠅之變白黑者也子獨悅之乎或曰莊  
子之文人不能爲也迂夫曰君子之學爲道  
乎爲文乎文勝而道不至者君子惡諸

辨揚

或曰楊子之諂也以王莽爲可以繼周公軼  
阿衡迂夫曰得已哉楊子之爲書也品藻當



類說  
世蜀莊子真仲元靡不及焉莽宰天下而自  
况伊周則與之况黃虞則不與也其志將曰  
爲伊周而止斯可矣不止而至於篡伊周豈  
然哉

無黨

或曰吾子擯莊引楊爲黨乎曰無黨也使莊  
爲楊言斯與之矣楊爲莊言斯拒之矣孰黨  
哉

三欺

迂夫曰鞠躬便辟不足爲恭長號流涕不足  
爲哀救衣糲食不足爲儉三者欺人可矣感  
人則未也君子感人者其惟誠乎欺人者不  
旋踵人必知之感人者益久人益信之

天人

天之所不能爲而能之者人也人之所不能  
爲而能之者天也稼穡人也豐歉天也

類說卷之三十五

終



類說目錄卷之三十一

戰國策

九鼎

西州下水

大臣得譽非國家之美

祭地為崇

張羅

反問

由基善射

伐蜀

忠孝

刺虎

張儀之仇

病在耳前目下

楚使多健



魏醜夫

四寶

交踈言深

擅國之謂上

鼠朴

東門吳

至盛不及道理

行百里半九十里

悍人

戰勝於朝廷

七珥

象牀直千金

一日見七士

伐魏

無恙

田駢不宦

倚門望

曰單解衣

食玉炊桂

南鄭

係蹄得虎

與虞人期獵

老妾事主婦

市有虎

梁王觴於范臺

白珪

信陵君

公仲不見顏率

輕陽侯之波

叱犬

伯樂顧馬

鷓蚌



百金贖胥靡

新婦失言

羊羹亡國壺飡得士

鳥不為鳥鵲不為鵲

竊疾

似之而非

地形

百人輿瓢

父令

操權

風俗通

無恙

琴操

歌曲

伯偕兄弟相類

東家食西家宿

蝦蟆

馬一疋

城門失火

甘澤謠

花月之妖

陶峴三舟

懶殘

圓澤為孕婦子

歌妓紅線

李牟笛

古今註

指南車

挑弓箏箭

豹車

金吾



華蓋

曲蓋

蟋蟀

雉尾扇

白筆

蠅虎

五明扇

蚯蚓

六劍

紫塞

鈎欄

禿秋

鴈

驢騾

七馬

鵲燕

鷄狗猪名

螢火

鼠五能

蝙蝠

鯨鯢

水君

龜鱉

蝶曰鳳子

蜻蜒

堯莫

水仙

沉釀

躑躅花

走馬舡驚帆馬

芍藥

誹謗木

生識

蚊蚋曰黍民

齊女



針神

闌闌

盤髻

蜀本記

杜宇

六詔

錦里

蠶女

清平官

齊職制

執獸子

郎中令

類說目錄卷之三十六

類說

卷之三十六目錄

五



類說卷之三十六

宋溫陵曾 慥 編

明新野馬之騏叅閱  
山陽岳鍾秀訂正

戰國策

九鼎

秦興師臨周求九鼎周患之顏率曰大王無  
憂率至齊曰秦興兵求鼎周君臣畫計不若  
歸之大國齊王大悅發師救周將求鼎周又  
患之率至齊曰周賴大國之義得君臣父子



相保願獻九鼎不識何途之從王曰寄徑於  
梁率曰鼎入梁必不出王曰寄徑於楚率曰  
入楚必不出昔周伐殷得九鼎鼎九萬人挽  
之九九八十一萬人器械稱此今總有人何  
途之從齊王乃止

### 西州下水

東州欲爲稻西州不下水蘓子見西周君曰  
君之謀過矣今不下水所以當東周也今其  
民皆得種麥君不見德若爲下水以病其所

種東周必復種稻而復奪之東周之民可令  
受命於君矣西州遂下水

### 大臣得譽非國家之美

宋君奪民時爲臺而民非之無忠臣以掩蓋  
之也子罕釋相爲司空民非子罕而善其君  
齊桓公宮中七市女問七百國人非之管仲  
故爲三歸之家以掩桓公非自傷於民也春  
秋記臣弑君皆大臣見譽者也大臣得譽非  
國家之美



祭地爲崇

趙取周之祭地周患之鄭朝曰臣請以三十金復取之鄭獻之趙太卜因告以祭地事及王病使卜之太卜曰周之祭地爲崇趙乃還之

張羅

杜赫欲重景翠於周謂周君曰君之國小盡君之重寶珠玉以事諸侯不可不察也譬如張羅者張於無鳥之所則不得矣張於多鳥

處則駭鳥也必張於有鳥無鳥之際然後多得鳥矣今君將施於大人大人輕君施於小人小人無可以求徒費財焉君必施於今之窮士不久且爲大人故能得欲矣

反間

昌化亡西周之東周盡輸西周之情西周大怒馮且曰臣能殺之君與金三十斤馮且使人操金與書間遺昌化曰事可成勉成之不可成亟亡事久且泄自令身死東周立殺昌化



由基善射

蘇厲謂周君曰白起巧用兵今攻梁梁破則周危君不若止之謂起曰楚有養由基善射去柳葉百步百發百中有一人過曰射百中而不已少馬氣力倦弓撥弦拘一發不中前功盡矣以公功多今又攻梁一功不得前功盡滅不若稱疾不出也

伐蜀

司馬錯與張儀爭於惠王前錯欲伐蜀儀曰者於朝爭利者於市三川周室天下之市朝而王不爭去王業遠矣錯曰欲富國務廣其地欲強兵務富其民欲王者務博其德蜀西辟國秦攻之如使豺狼逐群羊一舉而名實兩附今攻韓劫天子惡名也未必利也又有不義之名王曰善遂伐蜀

忠孝

孝已愛其親天下欲以爲子子胥忠其君天



類言 卷之三十六 四  
下欲以爲臣賣僕妾售于閭巷者良僕妾也  
出婦嫁鄉曲者良婦也

### 刺虎

有兩虎爭人而鬪卞莊子將刺之管輅曰虎者戾虫人者甘餌今鬪小者必死大者必傷子待傷而刺之是一舉而虎兩兼也

### 張儀仇

惠王死公孫欲窮張儀李讐曰不如召甘茂於魏召公孫顯於韓起樗里子於國三人皆

儀之仇也公用之則諸侯見張儀之無秦矣  
病在耳前目下

扁鵲見秦武王武王示之病扁鵲曰君病在耳之前目之下除之未必已將使耳不聰目不明

### 楚使多健

秦王謂甘茂曰楚使者多健於寡人爭詞數窮奈何茂曰王勿患也其健來使則王勿聽其事軟弱者來使則必聽之然則健者不用



矣

魏醜夫

秦宣太后愛魏醜夫后將死葬以爲殉魏子  
患之庸芮曰以死者爲有知乎曰無知也曰  
明知死者無知矣何爲以生所愛葬於無知  
之死人哉若死者有知先王積怒之日久矣  
太后救過不暇何暇私魏醜夫乎后乃止

四寶

周有砥石宋有結綠梁有懸黎楚有和璞此

四寶天下之名器

交疏言深

呂尚遇文王身爲漁父者交疏也一說而立  
爲太師載與俱歸者其言深也使文王疏呂  
望而弗與深言是周無天子之德而文武無  
與成其王也

擅國之謂王

范雎曰齊有田單不聞有王秦有太后穰侯  
涇陽華陽不聞有王夫擅國之謂王能利害



類說 卷之三十六 六  
之謂王制殺生之謂王善爲國者內固其威  
而外重其權詩曰木實繁者披其枝披其枝者  
傷其心大其都者危其國尊其臣者卑其主  
秦王乃廢太后逐穰侯出高陵走涇陽

鼠朴

鄭人謂玉未理者璞周人謂鼠未腊者朴周  
人懷朴過鄭賈曰欲買朴乎出視之曰鼠也  
因謝不取

東門吳

東門吳者其子死而不憂其相室曰公之愛  
子天下無有今子死不憂何也吳曰吾嘗無  
子之時不憂今子死乃與無同也

至盛不及道理

桓公九合諸侯一匡天下至葵丘之會有驕  
矜之色畔者九國吳王夫差無敵於天下輕  
諸侯凌齊晉遂殺身亡國夏育太史啓叱呼  
駭三軍而身死於庸夫此皆乘至盛不及道  
理也



行百里半九十里

行百里者半九十里此言末路之難

悍人

秦王與中期爭論不勝王怒中期徐行而去  
或爲中期說秦曰悍人也適遇明君故也向  
遇桀紂必殺之矣秦王因不罪

戰勝於朝廷

齊鄒忌修八尺餘衣冠窺鏡謂其妻曰我孰  
與城北徐公美妻曰君美甚徐公何能及也

復問其妾妾曰徐何能及也及問客客曰徐  
公不若君之美也明日孰視徐公自知不如  
遠甚曰妻之美我者私我也妾之美我者畏  
我也客之美我者有求於我也入朝見威王  
曰臣不如徐公美臣妻私臣臣妾畏臣臣客  
有求於臣皆以臣美於徐公今齊地千里宮  
婦左右莫不私王朝廷之臣莫不畏王四境  
之內莫不有求於王王其蔽甚矣王曰善乃  
下令吏民能面刺寡人之過者受上賞上書



諫者受中賞能旁議於市朝者受下賞初進諫若市數月之後時時間進期年之後雖欲言無可進者燕趙韓魏皆朝於齊所謂戰勝於朝廷

七珥

齊王夫人死有妾七孺子皆近薛公欲知王所欲立乃獻七珥美其一明日視美珥所在勸王立爲夫人

象床直千金

孟嘗君至楚獻象床郢之登徒直使送之不欲行見公孫戍曰象床之直千金傷之若髮雖賣妻子不足償之足下能使僕無行寶劍願獻之戍入見孟嘗曰小國皆說君之義始到楚受象床未至之國何以待君君曰諾戍趨而去君召曰子教文無受象床甚善今何足之高志之揚也戍曰登徒許寶劍君曰急受因書門板曰有揚文之名止文之過私得寶於外疾入見之



類言 卷之三十六  
一日見七士

淳于髡一日見七士於宣王王曰不亦衆乎  
髡曰鳥同翼者聚居獸同足者俱行今求柴葫  
桔梗於沮潭則累世不得一焉及之畢黍梁  
父之陰則郟車而載耳物各有疇髡賢者之  
疇也王求士於髡若挹水於河取火於燧豈  
特七士也

伐魏

齊欲伐魏淳于髡曰韓盧天下之疾犬東郭瓌  
海內之狡兔蘆逐魏環山者三騰山者五兔  
極於前犬乏於後犬兔俱罷各死其處田父  
見而擅其功今齊魏相持臣恐強秦大楚承  
其後有田父之功齊王懼謝將休士也

無恙

齊王使使者問趙威后問曰歲亦無恙民亦  
無恙耶王亦無恙耶使者曰豈先賤而後尊  
貴乎威曰苟無歲何有民苟無民何有君齊  
有處士鍾離子無恙乎其人有糧者亦食無



類說 卷之三十一  
糧者亦食有衣者亦衣無衣者亦衣助王養  
民何以至今不業也葉陽子無恙乎其人哀  
鰥寡恤孤獨助王息民何以至今不業也北  
宮之女嬰兒子無恙乎徹其環墮至老不嫁  
以養父母胡爲至今不朝也二士不業一女  
不朝何以王齊國子萬民乎於陵仲子上不  
臣於王下不治其家率民而出無用者何爲  
至今不殺乎

田駢不宦

齊人見田駢曰聞先生高誼設爲不官而願  
爲役田駢曰子何聞之曰臣鄰人之女設爲  
不嫁行年三十有七子不嫁則不嫁然嫁過  
之矣今先生設爲不宦之言養千種徒不官  
則然矣而富過之矣田子辭

倚門望

王孫賈事閔王王出走失王之處其母曰汝  
朝出而晚來則吾倚門望暮出不還吾倚閭  
望汝今事王王出汝不知處向何歸賈入市



類說 卷之三十六  
曰淖齒亂齊國殺閔王欲與我誅者袒右市人從者四百人遂誅淖齒

田單解衣

有老人涉菑而寒田單解裘衣之襄王曰田單將以取吾國乎左右顧無人乎堂下貫珠者曰王不如下令曰寡人憂民之飢也單收而食之憂民之寒也單衣之寡人憂勞百姓單亦憂之間里相語曰田單之愛人乃王之教澤也

食玉炊桂

蘓秦之楚三日乃得見王辭行王曰曾不少留對曰楚國食貴於玉薪貴於桂謁者難得見如鬼王難得見如天帝今臣食玉炊桂因鬼見帝曰聞命矣

南鄭

張儀之楚貧而欲歸南鄭曰臣北見

晉君王無求於晉乎

係蹄得虎

魏介謂建信君曰人有置係蹄者而得虎虎



怒決蹠而去虎非不愛其蹠也然不以環寸之蹠害七尺之軀者權也今有國非直七尺軀也而君之身於王非環寸之蹠也願熟圖之

### 與虞人期獵

魏文侯與虞人期獵雖雨豈可不一會期哉乃往身自罷之魏於是始強

### 老妾事主婦

張儀之魏魏王將迎之張丑諫曰王聞老妾

事其主婦乎年長色衰重嫁而已今臣之事王若老妾之事其主婦乃不納張儀

### 市有虎

龐參與太子質於邯鄲謂魏王曰今一人言市有虎王信之乎王曰否二人言有虎信乎王曰疑之矣三人言有虎信乎王曰信之矣

參曰市無虎明矣而三人言成虎今邯鄲去

市議臣者過於三人願王察之辭行讓言果至太子罷質果不得見

### 梁王觴於范臺



梁王魏嬰觴諸侯於范臺魯君曰昔帝令儀狄作酒禹曰後世必有以酒亡其國者齊桓公夜半不寐易牙調五味以進公曰後世必有以味亡其國者晉文公得南之威三日不聽朝推而遠之曰後世必有以色亡其國者楚王登強臺左江右湖其樂亡死王曰後世有以高臺陂池亡其國者今主君之尊儀狄之酒也主君之味易牙之調也左白台而右間湏南威之美也前夾林而後蘭臺強臺之

樂也梁王稱善

白珪

白珪謂新城君曰夜行者能無爲奸不能禁狗吠已也故臣能無議君於王不能禁人議臣於君也

信陵君

殺晉鄙救邯鄲破秦人存趙國趙王郊迎唐且謂信陵君曰事有不可不知者有不可知者有不可忘者有不可不忘者信陵曰何也



對曰人憎我也不可不知也吾憎人也不可  
得而知也人之有德不可忘也吾有德於人  
不可不忘也今君殺晉鄙救邯鄲破秦人存  
趙國此大德也今趙王郊迎卒然見趙王願  
君忘之也無忘曰謹受教

公仲不見顏率

顏率見公仲公仲不見率曰公必以率爲傷  
也故不見率也公仲好內率曰好士公仲齎  
於財率曰散施公仲無行率曰好義自今率

且正言之而已矣公仲遽起見之  
輕陽侯之波

畢長謂公叔曰乘舟舟漏而弗塞則舟沉矣  
塞漏舟而輕陽侯之波則舟覆矣今公自以  
辨於薛公而輕秦是塞漏舟而輕陽侯之波  
叱犬

齊大夫諸子有犬猛不可叱叱之必噬人客  
有請叱之者疾視而隨叱之犬遂無噬人之  
心



伯樂顧馬

蘓代爲燕說齊先說淳于髡曰人有賣駿馬者三日立市人莫知往見伯樂而顧之馬價十倍今臣欲以駿馬見於王莫爲臣先後者足下有意爲伯樂乎髡入言之齊王大悅蘓子

鵠蚌

趙旦伐燕蘓代爲燕謂惠王曰臣過易水蚌方出曝而鵠啄其肉蚌合而拊其啄鵠曰今

日不雨明日不雨卽有死蚌蚌亦謂鵠曰今日不出明日不出卽見死鵠兩不相捨漁者得而并擒之

百金贖胥靡

魏嗣君時胥靡有罪賢臣逃之衛魏贖之百金不與乃請以左氏衛邑群臣曰以百乘之地贖一胥靡無乃不可乎君曰治無小亂無大教喻於民三百之城足以爲治民無廉耻雖有十左氏將何以用之



新婦失言

衛人迎新婦婦上車問驂馬誰馬也御曰借之謂僕曰附驂無咎服附繫也兩旁曰驂轅中曰服繫其驂則中兩服馬不勞苦也車至門復教送毋減竈將失火入室見曰曰徙之牖下妨往來者主人笑之此三言皆要言然不免笑者早晚之時失也

羊羹亡國壺飡得士

中山君享都士大夫司馬子期在焉羊羹不徧子期怒走楚說楚伐中山中山君亡有二入挈戈而隨後君顧曰奚爲者曰臣父嘗餓且死君下壺飡餌臣父父且死曰山中有事汝必死之故來死君也君嘆曰與不期衆少期於當厄怨不期深淺期於傷心吾以一盃羊羹亡國以一壺飡得士二人

鳥不爲鳥鵲不爲鵲

史疾爲韓使楚楚王曰客何方所循曰治則圍寇之言曰何貴曰貴止王曰止亦可爲國



乎曰可王曰楚多盜止可以圍盜乎曰可曰  
以止圍盜奈何頃之有鵲止屋曰楚人謂此  
鳥何王曰謂之鵲乎曰不可曰止今王之國  
有柱國令尹司馬典令其任官置吏必曰廉  
潔勝任今盜賊公行而弗能禁止鳥不為鳥  
鵲不為鵲也

竊疾

墨子見楚王有人舍其文軒隣有敝輿而欲  
竊之舍其錦綉隣有短褐而欲竊之舍其梁

肉隣有糟糠而欲竊之此為何若是也王曰  
必有竊疾矣

似之而非

物多相類而非幽芳之幼也似禾穰牛之黃也似虎白骨疑  
象武夫類玉皆似之而非者也

地形

秦韓相錯如綉秦之有韓若木之有蠹乃腹

地形心之病

百人輿瓢



應侯謂昭王指大於臂臂大於股若有此則病必甚矣百人輿瓢而趨不如一人持而疾走百人誠輿瓢瓢必裂今秦國華陽用之穰侯用之太后用之不稱瓢爲噐則已稱瓢爲噐國必裂矣

父令

父之於子令有必行者有必不行者曰去愛妻賣愛妾此令必行者也曰毋敢思也此令必不行者也

操權

三人成虎十夫操權衆口所侈無翼而飛

風俗通

無恙

恙毒虫也喜傷人古人草居露宿故相勞問必曰無恙

琴操

凡琴曲和樂而作者謂之暢因憂而作者謂之操今通呼曰操非也



歌曲

古琴歌曲有五如鹿鳴騶虞之類操有十二  
 如將歸拘幽履霜別鶴之類 引有如烈女湘  
 妃霹靈思歸走馬之類又有  
 二十一  
 章如陽春弄連珠弄之類

伯偕兄弟相類

張伯偕仲偕兄弟形貌相類仲偕妻新粧竟  
 忽見伯偕問曰今日粧飾好否曰我伯偕也  
 妻下趨湏臾又見伯偕猶以為仲偕告云向

大錯誤伯偕曰我故伯也

東家食西家歇

齊人有女二人求之東家子醜而富西家子  
 好而貧父母不能決問女所欲云東家食而  
 西家宿

蝦蟇

俗云蝦蟇一跳八尺每跳丈六從春至夏裸  
 袒相逐無他所作掉尾蕭蕭 或云夏馬

馬疋



俗說馬比君子與人相足或說馬夜目明照前四丈或說度馬縱橫適得一疋或說馬死賣直一疋帛

俗云

城門失火殃及池魚或說朱門失火因汲取池中水空竭魚死

甘澤諺

花月之妖

武三思家素娥有殊色狄梁公請出之忽失

所在於壁隅間聞蘭麝氛馥附耳而聽則娥語曰某乃花月之妖上帝遣奉公言笑梁公時之正人某不敢見願公善事之勿萌他志

陶峴三舟

陶峴彭澤之後自制三舟一舟自乘一舟載客一舟載酒饌

懶殘

衡嶽寺有僧執役性懶而食殘李泌異之一日往見正撥火煨芋啖之取其半授泌曰勿



類說 卷之三十六  
多言領取十年宰相

圓澤爲孕婦子

李源與僧圓澤爲忘形之友同至三峽次南浦見一孕婦圓澤曰此是其託身之所與源遽別後十二年杭州相見是夕果卒婦生子源如期至杭天竺寺聞牧童菱髻歌竹枝乃圓澤也隔溪呼曰與君殊途慎勿相近歌曰三生石上舊精魂賞月吟風不要論慚愧情人遠相訪此身雖異性常存

歌妓紅線

唐潞師薛嵩有歌妓曰紅線當至德之後兩河未寧田承嗣有異志募武勇三千人號外宅男嵩憂之每咄咄獨語紅線曰易耳某願一往觀其形勢初夜首途三更可還出戶忽不見未曉復來取承嗣寢所金合來嵩遣使持合貽書曰有客從彼來云自元帥頭邊得此金合承嗣大懊散外宅男河北以寧

李牟笛



樂工許雲封善笛自云學於外祖李牟韋應物示以古笛云天寶中得於李供奉雲封視此非外祖所吹笛公問何以驗之云取竹之法以本年七月望前伐過期則音實不及期則音浮浮者外澤中乾受氣不全則其竹夭此笛其夭者也遇至音必破今試吹雲封舉笛六州遍一疊未盡笛忽中裂

古今注

指南車

越裳氏來貢忘其歸途周公與指南車至其

國車轄鐵皆消盡

桃弓葦箭

秦製辟惡車懸之於門桃弓葦箭以穰不祥

豹車

周公作豹尾車象大夫有豹變之志古軍正建之今唯乘輿得建

金吾

車輻棒也漢執金吾亦棒也以銅為之金塗



兩末謂之金吾御史大夫司隸校尉亦得執  
馬郡守縣長例皆木為吾用以夾車形如車  
輻

華蓋

黃帝戰蚩尤於涿鹿常 有五色雲氣金枝  
玉葉止於帝上因作華蓋

曲蓋

武王伐紂大風折蓋太公因折之遂為曲蓋

蟋蟀

一名蜚濟南人謂之懶婦

雉尾扇

起於殷代高宗有鴈尾之祥

白筆

古珥筆之遺象要劍首珥筆示君子有文武  
之備

蠅虎

蠅狐也一名蠅豹

五明扇



舜廣開視聽求賢爲輔故作五明扇

蚯蚓

江東人呼歌女一曰鳴砌

六劍

吳大帝有寶劍六一曰白地二曰紫電三曰辟邪四曰流星五曰青冥六曰百里寶劍三

紫塞

秦築長城皆紫色謂之紫塞南徼土色丹謂

之丹徼則雍塞夷狄也徼遶也貴免侵中國也

鈎欄

漢顧成廟設扶老鈎欄

禿秋

狀似鶴大者高八尺善與人鬪好食蛇

鴈

自河北渡江南瘦瘠能飛不畏縉繳江南沃饒至還河北躰肥不能高飛恐爲人所獲嘗



銜蘆以防矰繳

驢騾

驢牝馬牡則生騾馬牝驢牡則生豚馬

七馬

秦始皇有七馬名曰追風白兔躡景追電飛

翻銅爵長鳧

鵲燕雀鵲鵲

鵲曰神女雀曰喜賓如人家之賓也燕名天

女一名鷲鳥鵲鵲一名鳴鳩燕又名玄鳥

雞狗猪羊

雞一名燭夜又曰翰音狗曰黃羊猪曰叅軍

羊曰髯王簿

螢火

一名燿夜一名丹鳥一名夜光一名宵燭

鼠五能

鼠有五能而不成伎一飛不能過屋二緣不

能窮木三泊不能度谷四掘不能覆身五

走不能絕人



蝙蝠

一名仙鼠五百歲色白腦重襲物則頭垂謂之倒生

鯨鯢

鯨魚大者長千里小者數千丈五六月就岸生子七八月導從其子歸大海鼓浪成雷噴沫成雨水族驚避莫敢當也雌者曰鯢眼如珠花

水君

狀如人乘馬衆魚導從一名魚伯有人見之人馬皆有鱗甲如大鯉手足耳鼻與人不異視人良久乃入水

龜鱉

龜一名玄水督郵鱉一名河伯從事又曰河伯使烏賊一名河伯度使小吏

蝶曰鳳子

蛺蝶亦曰野鶯風蝶大者曰鳳子車或黑色名鬼車



蜻蛉

或曰胡蝶青亭也小者曰胡梨一名赤衣使者又曰赤弁丈人

堯莫

堯時殿前有莫樹自月一至十五每日開一葉十六至月末日凋一葉

水花

芙蓉一名荷花一名水芝一名水花

沉釀

烏孫國有青田核果測其樹根大如五六斗瓠貯水即成酒劉章得三核共二十人飲不竭號青田壺酒漢畜夫夜宿一津號沉釀以水投中盡夕大醉因名沉釀

躑躅

羊食之則躑躅而死亦此得名

走馬舡驚帆馬

孫權製走馬舡如馬之馳也曾真有快馬名驚帆其疾若烈風舉帆也



芍藥

古者相離贈之以芍藥芍藥一名可離故也  
相招贈以無文無文一名當歸也欲忘人之  
憂贈以丹棘一名忘憂也欲蠲人之忿贈以  
合歡合歡則忘忿也

誹謗木

堯設誹謗木則今華表也以橫木交柱頭亦  
曰交午木

生識

有生無識草木是也無生有識鬼神是也無  
生無識水是也

蚊蚋黍民

河內人見人馬數千如黍米遊動往來燒之  
蚊蚋也馬皆成大蟻故呼蚊蚋曰黍民蟻曰  
玄駒

齊女

齊王后忿而死變為蟬登樹嘒唳而鳴王悔  
恨故號蟬曰齊女



類記  
卷之三十六  
針神

魏文帝美人薛靈芝少選入宮芝別父母升車以玉唾壺承淚壺皆紅色帝遣文車一乘迎之望而嘆曰昔年朝爲行雲暮爲行雨今非雲非雨非朝非暮因名夜來妙於針巧非夜來裁製帝不服號針神

闐闐

闐者市之垣闐者市之門肆所以陳貨鬻之物店所以置貨鬻之物

盤髻

長安婦人所梳或梳隨馬髻亦曰墮馬髻又有盤龍髻

蜀本紀

杜宇

蜀始王曰蚕叢次曰伯雍次曰魚鳧又曰蜀王杜宇自號望帝

六詔

南蠻六部無統屬天子每下詔各頒一封謂



之六詔又其方言以詔為王唐開元末節度使王昱受賂乞合為一封大酋蒙歸義為雲南王始獨稱南詔既盛乃為邊患

錦里

錦州在城之南竿橋東蜀時錦宮又號錦里

蚕女

塚在綿竹縣塑女子像被以馬皮俗號為馬

頭娘廟

清平官

平南詔為詞臣者曰清平官

齊職制

執獸子

漢侍中掌乘輿物藝器有獸子之屬故呼侍

中為執獸子

郎中令

秦初制郎中令其屬有三署一曰五官中郎將二曰左中郎將三曰右中郎將每署又有郎中侍郎西漢因之惟田蚡少為諸曹郎乃



尚書郎也其他如馮唐為郎中置長直不疑  
顏駟之類皆三署也

類說卷之三十六

終





程